



BASES REGULADORAS DO XI CONCURSO “21 DE MARZO: DÍA INTERNACIONAL PARA A ELIMINACIÓN DA DISCRIMINACIÓN RACIAL”

PRIMEIRA.- DEFINICIÓN E OBXECTO

Constitúe o obxecto das presentes bases a regulación do procedemento aplicable para o outorgamento dos premios do Concurso “21 de Marzo: Día Internacional para a eliminación da discriminación racial”, organizado polo Concello de Burela.

SEGUNDA.- REQUISITOS DOS PARTICIPANTES

Poderá participar no concurso calquera persoa que así o decida sempre e cando teñan cumpridos 6 anos o último día da presentación de traballos.

TERCEIRA.- CATEGORÍAS

Haberá 3 categorías:

- Categoría 1ª: de 6 ata 12 anos.
- Categoría 2ª: de 13 ata 17 anos.
- Categoría 3ª: de 18 anos en diante.

CUARTA.- DOCUMENTACIÓN A PRESENTAR E LUGAR

A documentación a presentar será a seguinte:

- Fichas de inscrición establecida ao efecto (Anexo I)
- Autorización do pai, nai ou titor/a legal para os menores de idade (Anexo I)
- D.N.I./ N I E / Pasaporte ou no seu caso libro de familia.

Os traballos poderán presentarse de forma presencial no Rexistro Municipal, a través de correo postal ou por correo electrónico (indicado para formatos dixitais). No caso de ser entregados por correo postal o autor/a deberá mandar, dentro do prazo de presentación de instancias por fax ou correo electrónico xustificante da súa presentación. No caso de ser enviado por correo electrónico, o arquivo no que se atopa o traballo e a ficha de inscrición establecida ao efecto (Anexo I) cuberta.

O enderezo postal é:

Concello de Burela
Programa de Atención a Inmigrantes
R/ Eijo Garay, 20
27880 Burela
Lugo



Correo electrónico: integracioninmigrantes@burela.org

QUINTA.- NORMAS DE ELABORACIÓN DAS OBRAS E PRESENTACIÓN DAS MESMAS.

Os traballos deberán:

- a) Estar relacionados co motivo obxecto destas bases.
- b) Formato libre (texto, lema, debuxo, pintura, video, audio, fotografía, deseño dixital,... calquer forma de expresión) que sexa reproducible en formato físico ou dixital. Trátase de que os participantes teñan total liberdade para expresarse co fin de dinamizar e facilitar a participación de mais persoas.
- c) Todos os traballos deberán ser inéditos.
- d) O/a participante ou os/as participantes maniféstanse garantes baixo a súa responsabilidade que é ou son os únicos titulares de todos os dereitos de autor sobre o traballo que presenta e responsabilizaranse totalmente de que non existan dereitos de terceiros nas obras presentadas, así como de toda reclamación de terceiros por dereito de autoría.

Para os **traballos presentados de forma presencial no Rexistro Municipal ou por correo postal**, estes deberán ser presentados en dous sobres pechados:

O primeiro conterá:

- a) o traballo asinado con pseudónimo (o traballo que se asine cos datos persoais do autor/a quedará excluído)
- b) un segundo sobre pechado cos datos persoais e identificado co pseudónimo usado polo autor/a (Anexo I)

No exterior do primeiro sobre debe de figurar o pseudónimo co que participa.

O xurado non terá coñecemento en ningún momento da autoría de cada unha das obras (exceptuando á secretaria que tera voz pero non voto).

Para os **traballos presentados vía correo electrónico**, neste caso o nome do arquivo que contén o traballo será o pseudónimo e no arquivo que conteña a ficha de inscrición incluírase o pseudónimo.

SEXTA.- CRITERIOS DE VALORACIÓN

Os criterios de valoración serán o contido e tratamento do tema, orixinalidade, expresión e presentación en xeral.

SÉTIMA.- PRAZO DE PRESENTACIÓN

A prazo para a presentación dos traballos será do 21 de febreiro ao 21 de marzo de 2025.



OITAVA.- COMPOSICIÓN DO XURADO

O xurado deste concurso estará composto por tres persoas:

1. D. Mario Pillado Mon, Concelleiro de Inmigración, Cooperación e Integración do Concello de Burela.
2. D. Ángel Rubiños Ben, Director da Casa da Cultura do Concello de Burela.
3. Dña. Marcelina González Pernas, Directora do CIM do Concello de Burela.

Actuará como secretaria do xurado a Técnica do Programa de Atención a Inmigrantes do Concello de Burela, con voz e sen voto.

Unha vez rematado o prazo de entrega de traballos, o xurado reunirase e levantará acta na que conste a relación de premiados.

NOVENA.- CRÉDITO ORZAMENTARIO

A contía máxima destina aos presentes premios é de 240 €.

DÉCIMA.- PREMIOS

Haberá 3 categorías (de 6 ata 12 anos; de 13 ata 17 anos; de 18 anos en diante) e en cada unha delas haberá 2 premios co mesmo importe para todas as categorías.

1º Premio: lote valorado en 50 €

2º Premio: lote valorado en 30 €

O xurado poderá deixar deserto calquera dos premios.

DÉCIMO PRIMEIRA.- INCOMPATIBILIDADES

A mesma persoa so poderá participar na categoría que lle corresponda por idade e non poderá presentar máis de un traballo.

DÉCIMO SEGUNDA.- CESIÓN E AUTORIZACIÓN DE DEREITOS

Os dereitos do autor/a do traballo manteranse, pero cederanse gratuitamente ao Concello de Burela os dereitos de uso, reprodución e difusión, citando en todo momento a autoría do mesmo.

Os traballos participantes poderán ser obxecto de exposición en espazos de relevo cultural, artístico e educativo do Concello de Burela.

DÉCIMO TERCEIRA.- PROCEDEMENTO E ENTREGA DE PREMIOS

O fallo do xurado darase a coñecer aos gañadores/as a través de chamada telefónica ou correo electrónico.

Os premios entregaranse en acto público na data que se publicará na páxina web e prensa local.



DÉCIMO CUARTA.- ACEPTACIÓN DAS BASES E PROTECCIÓN DE DATOS DE CARÁCTER PERSOAL

A participación no Concurso supón a plena aceptación das bases e fai responsable a cada concursante da autoría e orixinalidade do traballo presentado; para calquera decisión sobre o mesmo queda facultado o xurado do concurso e a propia Concellaría de Inmigración, Cooperación e Integración do Concello de Burela.

A súa decisión é inapelable.

DOCUMENTO ASINADO ELECTRONICAMENTE Á MARXE